

澤雅堂詩二集

澤雅堂詩二集卷七目錄

伊拉里克河水利林文忠公遣戍時所開所謂四
十八坎兒也賢者所至有益於民如此

題蘇巴什驛壁

阿哈布拉道中

渡開都河作

庫爾勒舊城紀游

托和奈作

閏月十五日作

明日立夏

行營芍藥盛開朗公遂留小酌明日折數枝相贈

作此道謝

朗公節帥爲余營室阿城之旁築圃數畝以資種
菜作此奉謝

移花

答姚春遽見贈

損齋栽花次第開放作詩柬朗公

客去

易孝子詩爲直庭上達孝廉作

得仲儀安慶藍洲武昌書兩君皆薄宦思歸並述
昔年戴園文酒之樂風流雲散一別如雨萬里

之外閱之憮然

紀游同朗公作

古詩

感事述懷四首

此身

己卯中秋

遠別離

猛虎行

烏生八九子

牆上蒿

來日大難

升天行

長安有狹邪

烏夜啼

門有車馬客

桂之樹

結客少年場

芳樹

阿城九月離菊盛開作四十字

天陰欲雪兀坐無侶作此懷春遽

感事二首

人日憶舍弟西來

卽事

有作三首

此日足可惜

紀遊同春籩

觀白鴈作

澤雅堂詩二集卷七

烏程施補華均父著

伊拉里克河水利林文忠公遣戍時所開所謂四十八坎兒也賢者所至有益於民如此

海族羣吹浪疆臣遠負戈田功相與勸水利至今多垂柳家家樹迴流處處科白頭遺老在懷德涕滂沱

題蘇巴什驛壁

萬山盡作僧枯槁沙塵三月焉耆道春風先我出關來不傍荒崖生寸草茨牆土屋息征驂一榻聊謀客睡酣正過清明好時節新鶯舊燕滿江南

阿哈布拉道中

亂山四赤天孤青百丈井底通人行白日高高光不到
陰崖三月冰崢嶸怪石塞途猙獰如獸牙爪怒張忽與
車鬬雙輪四蹶鐵石奔湊星火迸飛吁嗟顛仆我有千
椎萬斧碎汝石如泥萬里行路頭白面黎其意欲有爲
汝乃摧其輪折其蹶逞汝頑惡畢力相排擠昊蒼胡不
仁生汝天西陲揚鞭問石石作人語君不見涉水有蛟
登山有虎行路自古難豈惟怪石能相阻問君胡不歸
鄉土徐行安坐守環堵馳驅域外君何苦崑崙東走隨
地露筋節怪石如予詎勝數太華擎巨靈龍門鑿神禹

施之域外功無補何用誇君千椎與萬斧

渡開都河作

故里交吳越扁舟一葉通頻年走秦隴匹馬萬山中曉
渡天山雪偏乘水國風中流欣鼓枻疑在五湖東

庫爾勒舊城紀游

黃君哀我萬里行拉我曉過尉犁城半城流水一城樹
水邊樹下開園亭天桃纔紅柳初綠梨花照水明如玉
窺人嬌鳥繞花飛留客回人煎茗熟一髯閑靜能胡琴
抱琴獨坐林之陰三十五絃猛挑撥平地飛出波濤音
一髯悲歌歌屢變掩抑蒼涼淚如霰不通其語揣其聲

知含萬古無窮怨胡兒六歲能胡舞兩髯欣然助鉦鼓
舞終旋轉忽如風驚落林花不勝數林花林花春可憐
遠來吐秀戎荒閭嬌紅姹紫空自好安得此客長流連
吁嗟乎江南三月徵歌舞處處花前有管絃

托和奈作

龜茲城東七十里蝶飛燕語春風溫楊柳青隨一灣水
桃花紅入三家村山童槃姗作胡舞野老鉤輶能漢言
苜蓿蒲萄笑相獻年來漸識官人尊

閏月十五日作

明日立夏

旅館誰爲伴征車乍息馳一年春盡夜萬里月圓時病

眼看花晚雄心出塞遲天應留此老絕域徧題詩
行營芍藥盛開朗公遂留小酌明日折數枝相贈作此

道謝

七里山塘錦作堆扁舟處處看花來江南春色今如昔
塞外征人去未回上將偶然張翠幄晚霞無數落金杯
筠籠相送還相謔香國飄零宰相才

朗公節帥爲余營室阿城之旁築圃數畝以資種菜作
此奉謝

我生四十載賃屋荅溪皋寸土非我有媿彼牆上蒿揭
來走秦隴旅舍悲寂寥安知萬里外享此堂宇高暖日

輝重檐微風通疏寮白翻一渠水翠拂千柳條誰爲經
營之大將擁節旄高牙羅壯士廣廈留吾曹平生九九
術甯足虛席招正當自隗始適館多英髦公家西子湖
百頃堆煙濤樓臺亦未起惜哉戎馬勞側想功成歸岸
幘湖上橋訪公話西事一繫蒼溪橈

阿城富蔬果薄采堪盈筐手足勞有獲食之尤味長我
旣居此屋堂戶生輝光還乞數畝地樹藝屋之旁引水
別築渠壘土旋成牆帳下貔虎士畚鍤十日忙默計斯
圍成耒耜我手將人莧紫成列兔葵青分行豆棚接瓜
架絡緯鳴宵涼在昔英雄人閉戶時晦藏辛苦學種菜

猛志仍飛揚我固非其徒聊闢榛蕪荒力耕無寄託實
事求充腸賦命沉窮薄福澤宜自量終朝飽魚肉無乃
天所殃我郡勤育蠶亦復識其方父老倘顧問尙能言
種桑

移花

秋花十數種移來野人園分植庭左右頗怪初日暄柔
枝易憔悴生意留孤根沃以野泉潔兼之夕露繁青苗
漸漸茁嫩葉徐徐翻有如病瘵夫得藥肢體伸又若春
蛇蛻棄故旋生新庶幾吐紅萼不負萬里人萬里苦騁
馳閉戶休旅魂賴汝好顏色歲晚長相存欣然憂患餘

獨笑傾芳尊汝本東南秀娉婷誰氏邨
遭逢遠戍客攜挈游崑崙飄然遂不歸
絕域多子孫依依傍離落或解戀鄉親

答姚春籟見贈

頭白已如此甯求富貴來天憐征戰苦
地繼漢唐開願試安邊策慚無適俗才
但看葱嶺雪遙憶酒泉杯長揖出關塞
風雲起佩刀三年詩更富一病酒難豪
天地餘生在功名幾輩高不知荒徼外
何事待吾曹損齋栽花次第開放作詩
柬朗公

將軍築室崑崙隅高堂大屋何渠渠
先生西來一月居

種花日日攜犁鋤冥冥夜雨根荳蘇新英嫩葉交扶疏
仙人忽曳絳羅襦窈窕金支揚翠裾焚香埽地清睡餘
卷簾亦復窺讀書將軍笑捋髭髭鬚何福擁此傾城姝
先生本異山僧癯入世色相焉能無此行萬里尤羈孤
摩挲老眼勞相娛識字沉與憂患俱蟪蛄聲急心躊躇
一尊晚對百慮舒牢騷不效愚谿愚遣愁慰遠粲者須
十眉環列良不殊黃蜂喧喧蝶蘊蘊午風飛繞先生廬
蜂蝶戀花非過予將軍於意云何如

客去

客去虛堂靜笑譁起看河漢挂檐斜微雲何意猶籠月

涼露無聲已潤花
漢使金繒通外國
胡兒歌舞說中華
南飛鴻雁勞傳信
我亦歸期漸有涯

易孝子詩爲直庭上達孝廉作

潢池覆舟歸怨於海東
家殺人西家抵罪解一何以抵罪

指喉其由冤哉
擄掠唯吏所求解二叫號蒼天高不可聞

罪人有子請爲吉
盼解三兒兮荷戈東望心痛父兮倚門

西望魂慟解四投之於火
祝融忌之擠之於水
馮夷戲之

解五戚戚嗟嗟一十四年
患難相恤唯婦之賢解六

帝有恩言雪此奇冤
歸來如夢旁皇里門解七里門設學

教授斯勤出爲孝子
歸爲善人解八松心柳質無年而死

厥德勿酬酬以令子

九解

令子翹翹文行以稱述德揚善

其言有徵

十解

甘木之陰實生美草孝子克昌是謂天道

十一解

人孰無父誦余此詩家術之既孝子可師

得仲儀安慶藍洲武昌書兩君皆薄宦思歸並述昔年

戴園文酒之樂風流雲散一別如雨萬里之外閱之

惘然

戴園文酒事全非西燕東勞各自飛塞外干戈行更遠

春來邱壘夢相依六年作吏風塵滿

仲儀權欽縣藍洲權房山

萬里

開書涕淚揮一例杭湖好煙水從余商買釣魚磯

紀游同朗公作

凌晨理游策十里秋樹中隔樹聞水聲浩浩疑積風樹
轉白波涌水曲青畦通傍水五畝園雜藝紛成叢煙露
曉未收紫翠交濛濛蒲萄百歲藤天矯垂胡龍開張萬
鱗甲自曝初日紅頷下纍纍珠色與青瑤同几席旣分
布茶瓜還並供主有儀鳳威客亦捫蝨雄春雷發談笑
驚倒耕田翁鮮魚瑪瑙盤佳釀琉璃鍾依然故鄉味萬
里嗟從戎良會足千古遠略資羣公扁舟聞已具吾欲
乘流東

朗公造雙輪
小舟已成

古詩

潛鱗求大壑息羽思深條賢哉庚桑楚畏作人之杓榮

名不足據與辱陰相招處穢莫爲蘭居暗莫爲膏揚芬
適得熱恃明徒見燒木末芙蓉花亭亭出蓬蒿霜颿吹
不已豔色嗟先凋我師楚漁父浩歌臨江皋眾醉安可
醒聊復餉其糟

不牧羊生與不弋鶉生突胡知爲妖祥且享無功獲時
來不可當事會巧相迫虎鼠分用舍龍豬忘今昔久假
遂不歸身名矜顯赫甯意耕田翁手足疲農月歲功苦
勿償饗飧缺朝夕狂花豔春風飄墮亦倉卒相期歲寒
枝朱實晚堪摘素封子生孫仍世有古積貧富判一朝
江湖啗賈客

篋篋有良玉貽自西域胡三年久藏貯開視皆砒砒幕
府抑何盛半是彬彬儒甯知夜發冢盜取口中珠歸來
懷椎鑿韋帶稱詩書一顧識騏驎歎樂不我如區區槽
櫪下較量豆與芻食之既不飽鞭策隨諸奴騏驎仰天
鳴孰與驚駘殊爲我語騏驎盍不負鹽車雞龐與猗苓
盈石醫門儲時來迭爲帝上藥終無須

獨絃發哀歌不入里人耳折楊與皇琴睡寐聞之起老
作風波民徇人徒喪已山林阻且深古有隱居士辭榮
辱不及外物神來止遙遙沮溺心亦與姬孔似才微世
易衰量力託耒耜內熱徒自招朝命夕飲水將身作卷

隻尺寸不能理寄語千歲龜且曳泥中尾效靈七十鑽
祇取剗腸死

感事述懷四首

蓄劍胡纓短後衣虛將遠志誤當歸登車慷慨人誰識
投杼蒼黃我孰依大野更無鷹隼擊空山合有鳳皇飢
遂初尋覽興公賦一夜鄉心萬里飛

浣花詩老卧江干猶喜將軍禮數寬出塞我憐鬚鬢改
論交公作弟兄看談詩鈴閣延秋爽攜酒書堂坐夜闌
縹緲青雲勞太息不應天末墮龍鸞

曲欄幽榭日徘徊天際崑崙雪作堆林鳥自邀孤客語

園花偏傍異鄉開
空悲跼跼飛鷺墮
肯爲區區腐鼠來
欲向惠施求大瓠
種成五石總奇材

胡琴邊笛怨無窮
都入狂歌感慨中
黃鵠奈何將去客
蒼蠅原是可憐蟲
還思召杜清時出
會見車書絕域同
歸卧菰城應夢遠
烏梁海畔有春風

此身

此身何似似孤舟
解纜乘潮日夜流
橫海由來狎蛟鱷
避風時復覓汀洲
相逢沙鳥聊爲伴
安得雲帆及早收
茅屋竹窗歸卧穩
更無波浪五更愁

己卯中秋

故園兒女倚高樓
應笑而翁雪滿頭
萬里獨攜東海月
崑崙山下做中秋

遠別離

與君結夫婦
白首相爲期
窺君反覆心
中道有別離
君心如南山
南山忽可移
一喜茵上花
一怒地下泥
近處君室中
瞻顧常自疑
遙遙萬里隔
倘有長相思
相思各相望
浮雲復蔽之
去去無眷戀
怨妾出門時
眷戀本自君
妾賤安所施
游絲空宛轉
難挂芳樹枝
人言東逝水
滔滔不再西
淪漪相往復
或遇迴風吹
舊人工操作
新人工笑嚙
新舊兩較計
君心終自知

猛虎行

猛虎尚可貪狼殺我猛虎咆哮人猶及防貪狼暮夜深
林中倉卒而起扼人吭一狼據羣狼助一狼跳羣狼噪
我有兩手兩足安能與狼抵觸北平將軍雄且武何不
射狼誇射虎

烏生八九子

烏生八九子一半化爲梟烏性本慈善異氣嗟成妖我
欲關弓射梟死勁風倒吹摧絃折矢笑聲吃吃巢中起
投弓語烏涕泗闌干爾且遠飛勿爲梟殘梟乎梟乎方
得天

牆上蒿

牆上蒿莖葉肥風雨不能倒近有牆可依我欲劓其莖
持刀重徘徊誠恐結根固蒿去牆以摧牆摧亦不懼一
一根相附春風吹萌芽漸蹇行人路巉巉白石激激清
湍芬芳自惜傷哉蕙蘭

來日大難

琴瑟古音不若濫竽錦繡粲色不若敝襦魚熊絕御甘
彼堇荼椒蘭充薪馨茲榛蕪宋姬淫冶伯夷貪汙地列
星辰天湧江湖虎狼之暴仁於騶虞中風病狂心昧其
初上藥勿起岐俞嗟吁

升天行

九地之蟲幽幽生死一朝見天翺蠕盡起天有高箕斂
錢於氓傾囊倒篋投箕不盈天有大斗量穀於野培廩
竭倉充斗猶寡氓欲呼天天隔浮雲孰提天耳而令有
聞日月之行乃在天中庶幾末光照此微蟲

長安有狹邪

長安輕薄兒日日狹邪游偏仄復偏仄摩肩來往使人
愁下有變童室上有倡女樓歌闌客散酒肉臭拂拂蒼
蠅上襟袖殘筵供汝汝所圖旁有白壁汝勿汙
烏夜啼

烏夜嘯嘯不已東方漸欲明爲喚行人起合歡牀上雙
鴛鴦迷離春夢樂宵長夢回怨爾聲淒涼明朝白面誰
家郎手挾金彈丸擊爾毛羽傷不見檐前乾鵲噪兒女
聞聲開口笑

門有車馬客

門有車馬客問君來何方客言主人簷宇日有喜鵲飛
翔占之主人大吉昌高官豐廩樂未央黃金爲室玉爲
堂廡中騏駱多於羊願託廊廡分末光東家鴟梟鳴屋
梁蛇神貓鬼方降殃紛紛僕妾半在亡念舊涕泗還沾
裳避凶趨吉龜言長

桂之樹

桂之樹南山陲孤幹直上無曲枝秋風蕭蕭急吹汝花
開如粟落如雨花落怨秋風香飛風有功芬芳滿巖岫
還與在枝同君不見青青柯葉淩寒節羞與桃李言冰
雪

結客少年場

結客少年場美酒傾千觴錦鞍貽駿馬寶瑟進名倡
酣意氣合願託昆弟行生死兩不負設誓何慨慷
狗以肉令之守戶夜來禦盜猛噬如虎九天高高九淵深
難隔皮肉量人心

芳樹

南山嶽岑惡木成陰蕉悴芳樹令我傷心

解一

芳樹上有

直榦下無曲根大匠睨之歎息待汝數十年當以梁柱

論

解二

嗟哉嗟哉汝生非所汝見惡木交柯連枝不可斤

斧怪臬巢而居妖狐穴而處陰雲白日天晦冥甯有尺

土能容汝

解三

春和偶然至芳樹亦萋萋十日五日風雨

淒其可憐芳樹花

一半吹作泥

解四

一半吹作泥一半枝

葉相附烏啣花蒂落蜂采花心去唯恐芳樹結子子墮

又生芳樹

解五

鳳皇哀哀上叫天閭芳樹臣所棲何罪遭

摧傷願帝移其根植之瓊圃之側瑤池旁

解六

阿城九月籬菊盛開作四十字

籬下九月九菊花無數黃皇天憐逐客絕塞贈孤芳豔

發關山色老含霜露香明年一尊酒看汝二知堂

二知堂予

家齋

天陰欲雪兀坐無俚作此懷春遠

欲雪未雪胡天陰矮窗短几時孤吟長嘶坐答櫺中馬
小啄起看檐下禽霜劍光涵塵漠漠風爐火活灰沈沈
淵明腳疾近相念幾日籃輿來一尋

感事二首

窮邊秋氣最蕭森逐客清宵淚滿襟佩犢帶牛方吏事

宜麟斂鳳豈天心黃河東去家山遠白髮西來歲月深
敲枕正愁更漏永匣中雙劍忽龍吟

鏡裏燈前頗自憐誰知眾女嫉嬋嬋覆盆黯黯難通日
呵壁茫茫欲問天海客有心收斷梗山靈無意惜芳荃
明朝手挽崑崙水千斛牢愁且洗前

人日憶舍弟西來

天涯悲斷梗人日憶連枝又爲飢寒出誰詒道路資客
中書久斷塞外到何時遠想桃花發虛堂握手期

卽事

絕塞賓朋會平臺鼓吹聲風回歌扇煖雪點舞衣輕臘

酒長筵共春鎧永夜明孟公隨意至四坐不須驚

塞外送歸客寸心相與歸傷鱗思遠逝病翻悔孤飛邱
壑天應許功名道自非妻孥勞寄語料理水田衣裴叔還

山陰

張老諸侯客星星鬢欲斑馳驅九邊外談笑兩雄閒才

大官無小年衰氣未孱歸心猶類我莫唱念家山張研芬自

疏勒來

萬里逢姚合招邀意頗勤感時聊病酒愛我豈能文歸

計嗟同滯兵謀許共聞還期白羽扇他日一揮軍謂春遠

有作三首

強敵甯通好行人又失辭坐憂邊事急仰賴

廟謨持蛇豕心何極熊羆氣未衰萬全方一出局外聽
師期

經營唐郡縣議論漢衣冠徒想中華盛兼貽外部安邊
荒延未闢敵釁弭尤難何日規模定忘將絕塞看

他日天山路縱橫列郡開兩持和戰計一倚富強才漠
外時馳馬軍中數舉杯老夫頭盡白萬里惘然來

此日足可惜

此日足可惜此衷良自哀悠悠老將至鬢鬢嗟已摧
留溫宿城萬事心與乖閉門蒼蠅聲隱隱如鳴雷功名

有時運甯待天下才歸耕貴及早蹉跎猶未諧孤尊且
斟酌虛室長徘徊醉奪羲和鞭日輪驅東回逆行二十
載重見朱顏來文章泉始涌事業花初開一笑百不憂
豪傑何有哉甯知騏驎心伏櫪傷虺隤中途偶一蹶歲
暮隨驚駘我將上崑崙高揖神仙儕上視蒼蒼天闔闔
疑可排下視九萬里漠漠飛黃埃

紀游同春籟

乾坤到西極冰雪換東風老柳又垂綠小桃將破紅天
憐吾輩在春與故鄉同倘遣回回舞芳醪還一中

觀白鷹作

春堂肅肅迴霜氣白鷹怒踏健兒臂奇姿近傍軒楹呼
本色驚看毛骨異當時素翮搏風出常鱗凡羽爭愁急
生成英物感金精顧盼胡天矜玉立綵縱相纏絕可憐
旁人休羨雪衣妍雙眸炯炯視天地知爾雄心何處邊

澤雅堂詩二集卷八目錄

塞外懷浙中故人

五憶

有引

泉上小集朗公節帥適至遂歡飲至暮時清明前
二日也紀事懷鄉憬然有作

哭春籟

閉門

阿克蘇有花葉似淡竹花似菊而小五色均備而
無香中華所未有也纏回以種自俄國來卽名
俄羅斯花余以其名不雅易之曰邊城菊以詩

紀之

舍弟潤之至庫車遣力往迎

弟至

秋風

中秋同舍弟飲

有感呈朗公

紀句

感事呈朗公

阿克蘇守歲呈朗公

人日獨酌

鷺哥行

雜感六章

贈孫澧

疏勒行館與子相夜談雜作三首

奉答渭臣軍門兼言所懷

澤雅堂詩二集卷八

烏程施補華均父著

塞外懷浙中故人

淩君少年時卽願買山隱白髮向江湖羈貧亦堪憫迹

下道自高言放心彌謹晚節讀書鄰歸期吾已近淩子與處

士霞處士客揚州十餘年未歸也

娟娟幽蘭花香發無人處微風時一吹恍與君詩遇君

心亦如之閉戶守貞素冠蓋偶相遭愀然掉頭去孫半農茂

柯才

嗟哉盜賊初衣冠半泥滓君心如寒潭瑩然清見底氣

和狎暴夫眼淨識窮士養氣二十年惠風滿鄉里

徐希甫孝

廉本

老凌折人過多直每少恕抗談面發赤項下筋如箸竭

來仕宦場違心聽稱譽吾疾歲月增藥石不可遇

凌墨亭茂

才鵲

蔡生美丰儀應對才尤敏甯知萬壑冰不敵此心冷文

思通竅篠道力出堅忍肯侶采禽飛雲霄見孤隼

蔡元襄孝

廉汝

杜陵聾左耳張籍盲兩目龍鍾七十翁飽煖憂不足平

生執旗鼓親與羣雄逐把酒論文章巍然老尊宿

許雷門大

令師
國年

座有百城書厨有千斛酒亭亭會稽山紫翠潑窗牖廣

文十圍腹武庫無不有醉罵章句儒諸生駭而走

汪謝城學

博日
楨

南施蕉萃士老卧苕溪潄畫梅絕孤瘦乃自畫其心病

妻佐炊爨弱女供縫紉何當一瓢酒風雪歸相尋

家琴樓布

薰衣

梁子性無忤委曲交游中守身如老女庭戶生清風文

字不自許足歷時輩雄諸兒得羽毛翩翩皆鵷鴻

梁海帆明

湘經

季仇狷者流學術頗持正文如千歲松蒼蒼寫孤勁一
麾晚出守或以毀方病嗟哉百鍊剛和柔豈其性

楊見山觀

峴察

鈕生短小姿口作楊雄吃江上夫容花幻汝賦詩筆從

余初生駒槽櫪制奔逸悠悠廿四年深穩今無匹

鈕蓮嗣茂

才承

吳生學吾詩秀色若可掣水風竹泠泠夜坐理幽澹騷

人抱秋氣無恨亦多感何況困公車飢寒頗難免

吳子常同

年鍾奇

文如桃李花豔色春風好朝來飽我飢未若栽黍稻博

學頗知宗虛懷尤近道功名倘不酬尚可著書老

趙桐生太

守同年銘

少年負奇氣頗用縱橫術中歲道心生卽事求平實劍

俠初學仙未化肝腸熱酒酣霹靂飛一掉三寸舌

朱亮生學

博采

骯髒不平氣厯落可笑人使酒罵流輩亦爲流輩瞋文

字有奇寶雜與泥沙陳白髮被領項庶幾能晚聞

楊利叔孝

廉象濟

讀書與居官末世分兩事戴聖老經師狼藉無吏治陶

君玉堂仙邊徼勞撫字赫赫辭盛名悠悠留永思

陶方太

守模

老俞爲文章優劣我能說清含澹沱音健乏飛騰骨處
世亦復然柔存畏剛折委蛇江海間傷哉今白髮俞勣叔茂

才剛

茗亭金蓋峯白雲與之長心清四山寂坐受梅花香空
外接仙語靜中生性光養生得真訣自覺簪纓忘沈仲復廉

訪秉成

吁嗟咸同來異學頗相眩津津誇鑄器斯術本來淺勿

棄中國長要識西人短請持高氏說一證同文館高仲瀛孝

廉驂麟

儀老寄我書，踴蹙不稱意。才高位自卑，名大天亦忌。頗

懷戴氏園，校書耐蕉萃。映戶天桃花，興來堪一醉。譚仲儀大

令廷獻

啾啾庭樹枝，眾鳥鳴聲樂。可憐飢鳳皇，雲霄久飄泊。志

憤跡愈奇，才大身難託。空山好歸來，斐然思述作。潘儀甫孝

廉鴻

養民如養兒，善人吾所與。公庭無怒聲，窮巷有歡語。山

城寇盜餘，休息正須汝。焉用撥煩才，搏擊誇強武。王松谿大

令同年麟書

房陵川楚會，千里山嶢嶢。鳴琴意澹泊，能靜民氣囂。念

我出窮塞雙鯉貽迢遙譽言有規諷歲寒思石交

陳藍洲大

令同年豪

小時逢盜賊呼天訴奇苦壯歲誇文章驚人作怪語攷古忽經生談空眞佛祖好奇應識歸平易晚有取

袁重黎主

政和

賢相不可作門戶餘儒風孤孫濯紉綺蕭然寒士同學仍象山舊書接平原工猶憶別君始新詩寄煙鴻

湯伯述茂

才紀尚

說經持勝心論事張辯口俯視一世人罵坐不須酒我愛君詞章鑪錘終在手一發風霆飛籍湜但僵走

李蕊客耶

中同年
慈銘

越中盛詞客誰侶王眉叔老手出新詩秀挾稽山綠校
書能守貧持論每驚俗倘具釣魚船鑑湖分一曲

王眉叔學

博論
壽

老趙不羈人議論逞雄快奇氣滿胸懷溢作詩書畫竭

來吏風塵頗困折腰拜招隱二知堂吾壁待君疥

趙大

謙
令之

姚江老居士古貌無世心孤學難應敵自得深復深南

雷去今遠遺緒君能尋太息東吳顧幾輩師亭林

黃蔚亭孝

廉同年
炳屋

耕讀各異業君兩營其生漢宋各異學君一持其平流
覽貴自獲不買當世名閭然甘布粟老卧翁州城黃元

廉同年以周

五憶有引

青蠅營營風雨一葉邊日不煖胡天易愁回憶舊游
如隔世焉作五憶詩

風雨不出戶我憶城南居客來任談笑通脫百不拘隨
飲甕中酒亂翻牀上書興盡掉頭去相送唯階除寸心
無一事悠然天地初

攜酒出郡郭我憶碧湖游輕舟輟逸棹順逐平波流山

移樹忽轉煙浪空悠悠來奇目已赴去妙心猶留一醉
百憂失浩蕩吾何求

茗茗金蓋山我憶入山路新篁搖微風綠粉散如霧泉
光照淨懷苔色引幽步中有兩道人巖居樂純素夜靜
山月高經聲隔深樹

朋簪十年盛我憶戴氏園冥搜經史穴幽探詞賦源虬
龍兩梅樹矯矯園東軒清霜破疏萼東雀時飛喧一尊
笑相對怪此冰雪言

畫船出西湖我憶煙濤涌四山晚濛濛紫翠含飛動須
臾皓月來窗牖如流永照見船中人逸興春雲滃詩成

荷花開繞船風露重

泉上小集朗公節帥適至遂歡飲至暮時清明前二日
也紀事懷鄉憬然有作

垂楊相倚曲闌迴闌外新泉似潑醅高館清晨邀客坐
元戎小隊看春來一尊談笑黃鶯共萬里清明白髮催
手種宅邊桃李樹花時爛漫爲誰開

哭春籛

湖海張公九尺身年來談笑蕩邊塵星霜老我諸侯客
龍虎輸君一輩人奇計久參帷幄秘多情卻比弟兄親
秋高要繫單于頸唐努山頭立馬頻

師勞客病往年悲腰腳春來漸可支泉上看題詩滿壁
花前邀對酒盈卮至今死日疑生日不信歌時卽哭時
馬革裹尸猶未與男兒萬里竟何爲

一回商略百躊躇凶問東傳淚滿裾幽閣定驚前夜夢
高堂猶盼隔年書頭銜寂寞銘旌在手迹飄零蘸筆初
白髮昌黎能誌墓元賓早逝痛何如

驚倒神巫見溼衣巷童街卒各心摧時艱空爲才嗟惜
數定難將藥挽回白下江山魂可到黃昏風雨夢還來
篋中試檢君書札老眼摩挲字字哀

閉門

閉門萬里外命與寂寞期蜂蝶來庭戶殷勤如見思庭
戶有佳卉綠葉發華滋暑月紅的的不怨花開遲倚杖
掇晨露把酒延夕暉吁嗟此豔質天爲羈人私花落不
到地復受迴風吹飄轉茵席上無情仍依依羈人拂襟
袖餘香長在衣攬花三歎息寂寞吾何悲外人那堪道
唯宜蜂蝶知

阿克蘇有花葉似淡竹花似菊而小五色均備而無香
中華所未有也纏回以種自俄國來卽名俄羅斯花
余以其名不雅易之曰邊城菊以詩紀之

塞外幽花雪錦色佳種遠傳羅刹國秋來偶傍野庭開

應爲羈人慰蕭瑟任是無香也有情懷風抱露態橫生
從余喚作邊城菊頗似孤寒始得名

舍弟潤之至庫車遣力往迎

田園可終老忽作西來客西來我亦喜慰此七年隔七
年竟何成歲月輕一擲相逢看鬚鬢但勝別時白何如
老兄弟林下共閒適我悔不可追汝復遠行役近卧阿
城東養此摧傷嗣殷勤賢主人

謂明公

爲築三畝宅庭花

爛漫開晨露自採摘在遐付愁思已邇計歡覲臨軒把
酒卮勿待秋芳歇萬里眞徒勞一笑亦幸獲胷中千百
語浩若湖江積好依燈燭光聯牀話遙夕

弟至

七年萬里別一見相驚疑別時兩少年忽忽俱有髭況
我髭漸白鏡鑷長不離汝亦牙齒搖佐飯耽肉糜人生
及中歲斜日嗟西馳須臾遂晚暮已逮黃髮期幸此須
臾閒有酒還共持勿傷萬里外骨肉方在茲世事有得
失我心無喜悲念汝悲不已對汝喜可知從此一室中
形影常依隨既老誠愛敬亦復存兒嬉兒嬉猶昨日年
華逝莫追耦耕久未遂撫懷殊悵而

百事攢一心欲語從何語焚若理亂絲倉卒無端緒躊
躇問衣食約略及兒女長途三百日道路冒寒暑晚餐

且早眠聊用養勞苦燈火恣夜談汝倦難支拄依依汪
氏甥萬里肯隨汝想見我女兄付託淚如雨土音猶未
變鄉禮頗能舉童僕皆匿笑我獨心焉許

我跨初生駒中路霜蹏蹏郵舍遠未至僵仆不遑歇汝
如木在山輪囷支歲月喜無樑棟材終得辭翦伐我歸
亦有期惜哉鬚鬢白汝出應遽歸養此邱園拙肯拚萬
里行足慰七年別無爲富貴牽遂作萬里客富貴誠可
圖汝無媚人骨章服榮汝身心苦神不悅未若棲賢邨
林壑最幽絕歸築一畝宮並種十頃麥手攜古藤杖芒
屨兼布襪行歌山月高坐酌山花發

秋風

夜誤四山雨曉驚千樹風
風聲催客思蕭颯與之同
已矣和戎策傷哉出塞功
一官吾肯戀得失僅雞蟲

中秋同舍弟飲

白髮老兄弟天涯共此筵
塞雲何意淨邊月有情圓
酒過三巡樂弧眞萬里懸

明日爲舍弟生辰

憐無小兒女爭餅兩

翁前

有感呈朗公

臨水登山手共攜耳中偏有蟬蛄嘯
公如杜老吟胡馬我亦莊生笑越雞
阜帽終憐長作客碧紗休話舊留題

不知飢鳳飄零甚容得梧桐一夜棲

絕句

逆風三日浪難平兀兀輕舟冒雨行忽到水明山淨處
夕陽偏有十分晴

感事呈朗公

伊麗城千堞胡兵尙未歸混同江萬里敵艦又如飛朝
士憂邊釁疆臣惜

國威紛紛和戰計經歲尙依違

旌旆

朝天去元戎贊老謀安危憑一決功罪有千秋應慰

垂簾聽能分

負展憂橫磨十萬劍未足聳諸酋

賴有張車騎天山幕府開中興廉恥將絕域治安才猛
氣新軍在歡聲下戶來從容一尊酒強敵意先摧

萬里諸侯客飄零白髮新無官知愛

國垂老恥謀身世亦文章貴公眞氣誼親淺煙畫諸將
一笑此何人

阿克蘇守歲呈朗公

四十六年風電走一昔勾留亦何有坐憑越酒發朱顏
起對胡天搔白首小時空作英物期老去誰憐賤士醜
命宮磨蝎如韓蘇閃閃箕星壓牛斗議論猶堪千載前

功名竟落萬夫後長勞弔客慰虞翻那復封侯詢許負
咄哉投筆老西陲已矣扶鋤隱南畝知己公偏愛惜深
歸期我爲低徊久虎符龍節更臨邊甌脫華離還設守
扣囊願出策二三不獲報君終報友崑崙插漢青巉巖
銘功大字書蝌蚪迎年簫鼓獨愁聽送喜兒童聊笑受
我家老同知我心自洗癭瓢重酌酒開紅丙夜簇華鐙
生翠辛盤薦春韭志業不逮文章工造化依然在君手
試攜長笛譜新詩吹綠天涯萬楊柳

人曰獨酌

悠悠四十七逝水流湯湯今日是人日萬里揮孤觴頭

髮旣全白領鬚已半蒼影落孤觴中對之心暗傷兩年
大官廩養此病驢驢蹶蹶餘奮怒未識春草長驚駘爾
何知驕嘶槽櫪旁昂昂千里意爾但詢王良男兒各有
時未死安可量且復盡此酒一醉百慮忘園梅遠莫致
塞草近未芳東風漸和柔起舞神洋洋回尊飲羲和爲
我留斜陽散作五色霞霄漢紛飛揚山川與城郭照耀
何輝煌眾樹映華滋羣鳥交鳴翔萬人首向西仰望天
錦張庶女叫九閭六月飄嚴霜精誠帝所許甯笑醉人
狂

爲哥行

騫哥十五工胡妝雙垂辮髮珠玉光豐貂之冠孔翠飾
錦衣璀璨從風揚春山連縣眉黛長舉袖軒軒來慰郎
援瑟抱鼓坐一旁調和音節初登場胡歌咿啞聽難曉
但覺閒情相繚繞也似江南兒女癡愁恨偏多歡樂少
歌聲合沓舞參差看君含笑把金卮紅闌昨夜春風煖
夢到君邊君未知

襍感六章

直作崑崙萬里游浮雲往事付悠悠時來尙可麒麟閣
老去長思鷗鷺洲繫馬枯楊經雨活過橋新水帶冰流
千秋要起班超問豈是書生筆誤投

混同江水接天流火艦風輪兩岸留尙信和戎爲上策
誰憐嫠婦有私憂金繒尙作芻糧備帷幄兼伸將帥謀
一戰猶堪斬蛟鱷諸夷從此列共球

歸我汶陽未有期年年絕塞駐旌旗三城尙說回圖務
五體難書定界碑謀國是非公論在乘槎消息幾時知
小臣也抱安邊策投匭無由鬢已絲

鞭鐙相隨萬里行鐵中也復算錚錚盛名自昔憂難處
小器如今歎易盈並進已深謠詠怨冲飛自許羽毛成
葛疆一輩猶無似孤負山公愛惜情

非驢非馬從長征萬里之外叨專城白日蕭然魍魎影

青天何處雷霆聲
摸金搜粟各有技
佩犢帶牛誰勸耕
安得循良來絕域
生子皆以任爲名

鏡裏蒼顏祇自憐
鸞鳳泊送流年是
非難問天公醉
憂患相依地主賢
溝水起供千指用
壚灰回作五更然
人生萬事誰能料
且詠通泉寶劍篇

贈孫澣

蹉跎乎公雙鬢絲
春來但乞還山資
呼牛應牛聊復爾
得馬失馬姑置之
無家可歸更作達
有酒不飲甯非癡
扁舟他日弄煙水
試爲白鷗吟此詞

疏勒行館與子相
夜談雜作三首

孤鐙語二老夜久軒窗開空庭一片月也自東南來鄉
音苦僮僕側耳羣相猜佳茗萬里致鄭重傾一杯我心
如宿火世事真死灰子亦可憐人翩翩揚馬才邊關墮
作吏鬚鬢飛黃埃作吏復見斥從軍尤自哀效彼楚囚
泣媿此達士懷窮通本由命臧倉何有哉所貴歲寒節
凜凜不可摧東方漸欲明雄雞聲亂催曷不覓佳睡鼻
息鳴晴雷

長嘯歸去來南畝親耒耜古時英雄流失意每如此俯
仰老依人有得亦無恥況陟崑崙邱遙遙萬餘里休兵
講治民百事洪荒始奇績已難銘亂絲孰能理九真作

任延符節問誰委受恩不可忘聊欲酬知己知己未易
酬歲月去如駛登高望東南不見太湖水天涯寄尺書
爲報平安耳遲留一寸心何以告妻子

生物數億萬其一名爲人生人數億萬其一我與君太
倉此粒粟大野此點塵偶然失省記何可尤蒼旻但恨
省記及兩鬢秋霜新義和爾何忍悠悠驅日輪手揮韓
原戈我志猶能伸語長不成睡相攜步城闕乾坤夜寥
然萬里莽無垠西望崑崙西琛球阻來賓東望大瀛海
蛟蛇不可馴長空一月墮清輝忽沉淪眾星光搖搖大
幕難及晨憂來淚如霰奈此蟣蝨臣天高云有耳此語

應上聞

奉答渭臣軍門兼言所懷

息馬迦師國將軍寄我書邊情詢曲折野興述蕭疏張
掖留屯處楊侯卜築初名園一州勝老樹十圍餘徑小
重開闢蕪荒盡翦除雜花春繞砌新水夜鳴渠客至層
軒敞書多複閣儲翠攀風外柳綠摘雨中蔬校射雕弓
燥題詩彩筆舒英雄閒及此賓從樂何如謫宦三年滯
奇功萬里虛青山常到枕白髮不勝梳西顧憂將釋東
歸願可攄高懷傾上將長揖過精廬坐飲山爲幃行歌
月上裾感時詞慷慨惜別意躊躇鎖鑰辭雄鎮江湖覓

故居他年訪張翰鄉味薦鱸魚